



教何如其詳且備哉歲癸亥子奉
命視學閩置試竣連江楊生謙來謁出天經地義錄四
卷屬予題首嗟乎楊生洵敦本之士哉夫士習之端在
風教而風教之正先士行楊生恭錄

聖經與昔賢先儒之教孝言行都爲一集並擇釋道家
之言行純正有關世道人心者參錄之以付諸梓顯以
明聖經賢傳之宜遵隱以寓發聾振聵之微意則其善
與人同之志固可嘉而其敦本於家庭實行於父子兄
弟夫婦朋友長幼之間者不從可知耶楊生勉乎哉

二十四孝詩序

望雲閣文稿

九

子欲養而親不存人生痛心之事莫有過於此者此孝
子所以愛日也盍自少罔知孝養今日長爲無父之人
矣雖幸小人有母而無父何怙追念父母俱存時宜何
如竭力事親少伸烏哺乃侍奉無狀乾蔭俄徂悔何及
哉遠道聞訃航海星奔搶地哀號百身莫贖反躬自問
不可爲子不可爲人不覺汗顏無地矣旣又念幼承庭
訓竊聞先君子時以格言勸人而與爲人子者言尤必
依於孝鄉里多薰其德而善良盍忝承家學粗涉文史
倖邀科名使接引後學而不以先君子之所以教人者
爲教則不孝之罪尤擢髮難數已行篋中有二十四孝

詩世稱爲朱子所編者其文簡而質最足以啟發蒙童而成學之士或不屑究心焉雖然朱子所纂小學何莫非爲蒙童訓哉而其書則自少而壯而老均宜服膺勿失昔許白雲先生最重小學敬如神明固以爲學者當終身誦之矣然則二十四孝詩亦安可以童之所習而忽之哉爰付之梓以近人所編二十四孝別集附焉而並系以圖時時披閱觸目警心時亡事存用自策勵而尤願同志之士廣爲傳播以勸世之爲人子者

王蓮叔續編珠集序

天地古今萬事萬物無獨必有偶陰陽開闔或對待或流行理固然也而文之駢儷詩之排比卽緣斯以起楹聯固詩文之緒餘然非學之裕才之贍爲之亦弗能工近世所刻楹聯皆集諸名人所作成編非出自一家機杼卽詩文專集有以楹聯附其後者亦止數對或數十對弗能多也吾友王蓮叔同年以優行貢舉捷北闈名噪都中著作尤以淹貫稱儕輩莫不頰首未幾出宰於閩廉明公恕所至有政聲余前與相晤於京邸一別幾二十年今視閩學喜復晤聚見其充養粹然雖久歷於簿書鞅掌之中而仍不失儒者氣象唐詩人中如柳柳州韋蘇州爲政風流佳吏也今何必異於古所云耶頌

讀其續編珠集自四字至八字楹聯積之數千對會意
尚巧樹義必精而又原原本本無一字無來歷有寫景
者有言情者有述古者有切今者有懷人者有體物者
賞心悅目纍纍乎如貫珠亦可謂工且多矣世之觀是
集者雖未見其詩古文辭全稿而淹通博雅固已嘗鼎
一臠窺豹一斑也集中有一聯云宮體文章珊瑚筆架
興人歌誦水晶鐙籠請以移贈蓋非諛詞蓮叔其笑而
受之乎

青樞山館詩集序

詩莫盛於唐唐人元道州韋蘇州諸賢皆以親民之官

善雲館文稿

上

號爲詩人蓋性情之故有與政治之原相通者矣吾邑
先達近得二人一爲漁珊陳先生一爲銘軒馬先生陳
先生爲先君子師嘗官陝西稱循吏其詩澹雅溫厚粹
然德言先君子一生步趨有在詩外者而整亦幸陪杖
履得聞作詩義法馬先生乃先君子晚年友嘗官廣東
稱能吏其詩直抒胸臆俊偉光明宦成後退休里門天
機瀟灑春秋佳日每與先君子坐石臨流追逐雲月優
游物外望之者疑爲神仙中人而整以久官都中不獲
親承警欵迨壬戌年乞假歸省而先生已歸道山矣今
年夏先生遺集刻將竣工嗣君笙蘭同年書來索序得

讀全詩涵泳久之雖未及見先生而先生之聲音笑貌
恍於楮墨間彷彿遇之也爰書數語於簡端既不勝先
世朋舊之感而以整僕僕於輦紅塵土垂三十年不克
遽賦遂初尋童時釣遊山水以追鄉先達之遺風益神
馳夢想於鹿亭樊榭間而不能釋然於懷也已

紫陽書院課藝續編序

制義代聖賢立言

國家以之取士蓋謂志聖賢之志者必能言聖賢之言
也夫聖賢所言者理制義亦惟理明而詞達制義之始
樸實說理而已既而兼尚法既而兼尚才至今日而法

莘齋文稿

五

益密才益肆顧法也才也要貴衷之於理舍理而尚法
與才虛車焉耳浮藻焉耳奚當於聖賢之言之萬一哉
余前講省垣崇文書院今又講紫陽與諸生論制義一
道兢兢乎理爲先法次之才又次之必也法從理生才
以理範期無失乎聖賢立言之旨崇文課藝經薛慰農
山長選刻本年紫陽課藝每月合官課卷選刻又將補
選前數年課藝彙刻成編俾諸生相觀摩焉抑又思之
紫陽與崇文舊奉朱子今中丞湘鄉楊公捐廉增造紫
陽室宇奉陸清獻公且刻三魚堂集皮版書局使士林
讀聖賢書知不徒言聖賢之言已也諸生誠仰企前脩

端厥趨嚮勉副乎

國家取士之本意而毋溺於記誦詞章之學沾沾焉專
工制義但希弋獲科名以自隘其志斯又余之厚望也
夫

城南袁氏宗譜序

姓以氏著氏以族昭其間忠孝節廉之行或載諸史冊
或登諸郡邑志乘而惟支派分合世系綿延非譜無由
稽考焉城南袁氏爲吾郡望族自處州守以進士起家
代有聞人正獻爲淳熙四君子之一正肅大魁多士聲
望益著其稱城南者處州守從學樓正議於城南書院

望雲館文稿

三

由鑿橋而徙居者也越年六百越世二十瓜綿椒衍至
今弗衰嘉慶乙丑袁君璞齋勅建城南宗祠又思向無
譜牒懼支系之久而莫考蒐訪補葺歷有年所未竟業
而歿咸豐丙辰其族弟德範踵璞齋之志身董其役璞
齋之孫襄臣茂才奉其先人遺稿重加釐定俾尊卑有
級伯仲有序嫡庶有位漏者補之舛者正之而譜事以
成襄臣之族兄介亭余姨父也介亭丈郵書問序於余
余奉而閱之條條井井既周且詳其克誦正獻正肅之
餘芬而有功於宗族如此他日者輜軒戾止訪鼎族而
採遺文卽由是編而登諸郡邑志乘載諸史冊可也豈

不美哉是爲序

重修家譜序

皇帝御極之六載冬十一月我章氏房譜將告成鑿宮京師奉父寓書命撰序謹拜手稽首而言曰我章氏自太傅公以來雲祚蕃衍散處四方者皆懷懷於木之有本水之有源必時修其譜牒以睦族敬宗一姓之人猝然相遇皆能述先澤敘行輩歡然以相親非若他族之數典忘祖遇同姓則淡漠如途人是豈非祖宗陰德之報歷久不衰有以動數十百世後子子孫孫孝弟之心於不自覺也耶道光辛卯重修宗譜自新昌斑竹遷甯

望雲館文稿

四

之派彙爲一帙寄諸斑竹合纂之則伯父暨父任其事時鑿讀書家塾父命之曰吾族自明益公修會譜迄今數百年無繼之者及此能再修之是吾志也顧伏處鄉隅力不逮耳咸豐壬子鑿成進士入翰林竊喜處都會間聞見日廣得議重修會譜嗣晤浦城族兄倬堂比部獲觀康熙年間所修會譜益欣然於暉事爰繕寫一冊癸丑秋杪假歸呈父覽之次年假滿入都方思徧爲搜採重加纂修因粵賊肆虐道途多梗而止今年冬倬堂捧陰德祠志一部示余云謀重刻屬刪訂鑿謂是舉誠善但會譜久不修舊本流傳亦尠請刻康熙年間會譜

探所散處支派附於志後并當時所遺者就今所知增入之庶吾族中多聞風而起者會譜之修異日得次第舉行也俾堂深以爲然未幾而奉父命撰茲序因謹述之以告族人先以吾族之遷居新昌由新昌遷甯者之支派屬俾堂附刻陰德祠志中其散處同姓苟皆有志於會譜而各先修其房譜以備採輯則譬如木之因枝振葉而蔚爲干霄之象水之疏其支流而會歸於渤澥也豈不盛歟

馮太親母錢太夫人六十壽序

慈水錢太夫人者鹽運使運同議敘卽用道

誥授通議大夫

晉封通奉大夫縵生太親翁之德配而吾親家芾村比部之賢母也同治九年二月五日爲太夫人六十帨旦文孫全琛與其弟全琮全璿全珩洗腆稱慶先期惠書京邸以屏幃之言請余旣與比部故交而全璿吾壻也於誼最親悉內行不敢以不文辭太夫人之始嬪也君姑陸太夫人以高年苦癡痺恆息偃牀蓐太夫人躬服勤左右敬扶持抑搔之起居輾轉呼之未嘗不在側老人卧病困頓而病於體而愉於心歡樂受養歷八年而後考終則太夫人之善事其親也馮氏固四明巨室太

翁少孤弱歲卽措家政公私鉅細理煩處劇郡中諱焉
奇其才當是時太翁治其外太夫人治其內廩饗至於
瑣屑布帛至於絲枲撫育婚嫁至於三黨往來以及其
有無緩急終歲勞勩悉井井有法度則太夫人之善相
其夫也始太翁娶徐夫人生立山員外如已出員外
爲伯父

誥贈朝議大夫錫堂翁後太夫人撫視之如其故其教
比部也督課綦嚴比部受知於吳姓舫前輩游庠序有
聲咸豐乙卯與其從弟吾樓觀察同舉於鄉太夫人嚴
教之猶昔日也比部以郎官供職直隸司太夫人時以

勤慎奇勛之二十年來

望雲堂文稿

六

王師撻伐小醜諸巨室相率助漿食太翁與其從子先
後解囊囊累鉅萬皆得荷超擢

賞戴花翎其後比部復以捐輸膺翠羽之

賞兩世疊邀異數海內榮之旋又

子四品陞銜加三級封贈父母於是太夫人由淑人

晉封二品願雖身爲命婦不以所生子尊貴弛約束則
太夫人之善教其子也夫善事其親則孝婦也善相其
夫則令妻也善教其子則賢母也伊古以來凡閭行之
著稱於史冊傳記者苟非其遭際大不幸未有不由茲

三德者也雖然由旁觀論之太夫人所處無一日非安富尊榮之境而不知其劬勞勞苦有甚不易處於艱難困阨中者往者四明有兩辛王之亂滬上流離播遷而又以太翁與其軍謀寇至輒燬其家始則違棄其鄉井繼則整復其家室此其况瘁旣已倍於他族而當後辛王之變方避地滬水比部之配董夫人卒於寓廬六閱月而太翁棄養比航海歸來憩郡中收合餘燼圖歸聚而比部又卒歲不兩期疊遭三喪公私鉅細繁劇之事太夫人以一身當之然而數載之間外內就理百無廢墜身事儉勤以爲倡率而以讀書督教其諸孫邇者復其邦家以次授諸孫室將以宜壽之月爲全基娶吾女諸孫皆循循規矩克稟承大母聖善之教全琛旣以光祿寺署正拜

朝命餘孫皆嶄然頭角然後知太夫人之過人者非獨其德也乃其才亦倍蓰恆婦人如此太夫人有一女爲吾師臨淄令洪舵鄉先生子婦余昔與比部同學於臨淄及同官都中往還甚密先之以交好申之以婚姻余或返里門時登堂候太夫人起居以是詳其內行夫才德者福壽之符也太夫人之才之德吾知其將安享

大年疊荷

寵命而未有艾也周甲之慶其濫觴耳故應其文孫之請而郵寄不腆之辭書諸屏幃以爲異日券

重修崇文書院記

皇上御極之元年大方伯薊泉蔣公統兵來浙進勦粵匪三年秋浙東西悉盪平冬公奉

命護理巡撫事百廢具舉西湖崇文書院燬於賊僅存大門及朱公葉公二祠餘皆焦土公蒞其地慨然以振興文教爲任捐廉修之使李司馬國賢與杭丁明府丙周廣文鴻渚高廣文人驥徐廣文恩綬董其役其左若敬脩堂願學齋勸學齋

御碑亭景行堂仰山樓味經軒皆卽舊址重建規制廓於前其右增建學舍可居來學之士數百人其課士經費籌支公帑羨餘釐定章程足垂永久今年春余膺公聘主講公屬余記之余惟書院初設卽崇奉朱子戎

朝

聖祖仁皇帝南巡

賜額曰正學闡教煌煌

聖訓照耀湖山教者當體此意以爲教學者亦當體此意以爲學吾浙自唐陸宣公蔚爲大儒至宋呂成公得中原文獻之傳昌明正學厥後何王金許逮明方正學

王陽明劉戡山以及

國朝陸清獻其學皆粹然一出於正千百年來流風尚在余願諸生勉企前修用端趨嚮他時理學經濟胥出其中則公此舉厥功甚鉅也爰於工之既竣述其事而爲之記

新建紫泉書院記

書院之建所以佐學校之教也

國家文治涵濡二百餘年各直省及府州縣皆有書院延宿儒主講席聚生徒於其中而飲食教誨之矧地鄰畿輔爲

聲教之所先被曷可無講學之地以啟迪俊髦歟新城舊無書院前周雲峰大令以修

文廟餘貲建二忠祠於其旁借爲諸生肄業之所置地數頃以供脩脯地既隘而經費又不充楊君雱薌宰是邑政成民和慨然以興文教爲己任城南

萬壽宮外有餘地經前邑侯萬君之鏞捐俸購得之楊君乃揆基相土商於邑紳王會元振綱趙孝廉康吉等曰古所稱書院若石鼓嶽麓白鹿睢陽皆據一方之名勝茲地紫泉環繞岡阜枕其後林木翳然誠邑中勝境也多士將結廬講習藏修息游悟鳶飛魚躍之機領沂

水春風之樂洵無有踰於斯者惟費無所出願捐廉爲一邑倡煩諸君子任勸捐之勞共成是舉僉曰諾乃捐銀二千有奇築室三十五楹董其事者爲司鐸韓君山長李君與紳士杜廣文輩經始於己未夏六月至冬十月落成復集資五千繕置田以贍膏火其明年楊君貽書都門索余記之余惟敬教勸學誠良有司之用心也抑此邦之人急公好義相與有成豈非以密邇京師首善之區故俗尙醴茂如是耶他日文教日興士習益端民風益厚吾知遊其地者方且覩泉流之湯湯而眷懷楊君之流澤於弗衰矣故樂爲之記

遊象山石屋記

石屋在蚶城北圓峰之上狀若穹廬下垂旁覆天劃神剎奧如曠如中可容數十人有小潭巖泉自石罅曲折流注其聲琤琤琤如奏琴筑遊人每樂於此徘徊不去顧以地瀕海問津者恍波濤之險遂爲謝公屐齒所不到歲甲寅七月余渡海而東訪周君穀山姜君竹壽於象山約與湯君慎齋黃君逸琴周君□□馬君靜初偕遊於此循磴而上披蒙茸踞巉巖幽邃之境頓豁心目下視城邑歷歷如披圖畫其南則大瀛海環之洪濤拍天一望無際薄暮置酒茅庵松風梧雨涼襲襟袖比

入城則疏燈熒然魚鱗將屬矣昔余覽郡乘嘗企四明
石窗與茲山之勝思命儔登眺石窗陸行百餘里可至
迄今未獲往遊而茲山遠隔滄溟乃得攬奇勝以償夙
願將毋登臨之樂其遭遇亦自有緣歟爰走筆記之以
質後之遊者

寶書義塾記

爲生民立命無過教養兩端而教尤重於養逸居無教
近於禽獸師道立則善人多天下郡邑有教人以善化
其梗頑使循禮義分守令憂者義塾是已余同宗之在
臨海者多居瓏坵村族人煥文集賢建塾祠旁偕其里

望雲館文稿

五

人吳夢蘭金益陳兆鵬釀金粟於里中有餘之家以充
經費族肅齋署正索余記之余曷可以無辭夫今世富
民侈於婚嫁衣食玩好之費獨教子弟往往吝惜脩脯
待先生未有忠且敬者而師之教其第亦復倦怠此善
人之所以鮮也至義塾之主人其待先生益簡而爲之
師者更不能勤於教導所授之業止令粗知字畫握管
記貨財帳目書契信札爲他日謀生之計未聞以孝弟
忠信發蒙養正之說進者又安能效先覺之所爲孳孳
焉明善而復其初哉肅齋其以余言爲諸君子告庶斯
塾之陶成克廣而後生小子皆去不善以進於善風俗

且蒸蒸日上也夫

與王小竹廣文書

前月杪奉

上諭浙江等省辦理團練令京官各舉所知候

旨派往河南山東江蘇京堂官俱保奏官紳荷蒙

欽派前往月初吾浙之京堂官擬保官紳辦團諸先達俱慎重其事必求品行端方才具優長者方登薦牘弟思吾郡紳衿固多可用之才而十餘年來居鄉日少不甚深知惟足下爲守兼優久深欽服商之凌子廉水部亦謂鄉評推重鮮有如足下者因承朱桐軒先生問及吾郡人才卽將大名薦達會同許慎生沈朗亭諸先生開列保舉浙紳單內奏請

欽派昨已奉

旨允行

廷寄月內想可到浙也足下頗養沖和林泉自樂因弟之一言推薦致以艱鉅相投冒昧之愆誠無所追但爲鄉里數十萬生靈思患豫防求輿論翕服之人如足下者未易多得是以必欲爲之勸駕尙冀大才及時展布

上紉

宵旰之憂下爲桑梓之福幸甚盼甚

與楊理菴太史書

承詢何文貞公事蹟作函詢馬雨農閣學答書云列傳體例其人著作皆可採入惟分別已刻未刻耳至進呈之書並奉

溫旨褒答者均可載入文貞公增補大學衍義一時未覓得副本其所著語錄四種李文清公會爲訂正尙未刊行所刊行惟訓蒙千文皆可撮其大畧入傳同治三年曾文正公疏請

予謚又撰碑文刊於英山殉難處惟疏畧而碑詳今其碑文已附見於吳竹如先生拙修集亦可酌採列入茲

望雲齋文稿

三

將拙修集奉覽碑文在第八卷中文貞公學行之粹集中屢言及之至進大學衍義增補事日前曾詢黃孝侯閣學據云

南齋有記載可查惟僅有校勘入奏語而諭旨須查

實錄又閱拙修集稱文貞公於

文宗顯皇帝登極一月中奏二十上所言惟以

君德人才爲先務又復續成朱子大學講義手錄以進他如汪忠烈之撫皖亦其所密陳也弟又聞鄧提督紹良保護危城戰功卓著亦由文貞公之薦凡此責難陳

善之嘉謨以道事君之偉畧雖古名臣何以加茲足下方秉史筆兼才學識三長出以直道之公據事直書用以信今而傳後文真公一代偉人學術事功氣節彪炳千秋亦宇宙間一大文章也

與周葵庵大令書

閩省差務苦累非常弟所素悉現考福甯歲科誠恐所過之處辦差爲難或敝署中各項人役包攬客貨多帶閒人種種冒濫以致轎夫扛夫增添無數積習相仍沿途擾累實屬可惡弟已點清隨往福甯人數自幕友以至門印書吏雜項人等皆開清單各若干名并將其所

帶行李若干應用轎幾乘扛幾架不准冒充將單奉覽以便臨時飭紀嚴查如帶有客貨閒人一經查出立即指稟將貨物入官將其人拿究嚴辦至所過尖宿等處供應務祈簡省上下肴饌只用雨葦兩素萬勿多備糜費是所切禱又下人等向沿陋習需索過山禮折席照應等費亦祈一概裁却庶幾減一分免一分之累也

復丁松生大令書

月前接奉環雲伏承垂唁並蒙厚奠遙頒苦次破登歿存均感前在都時由子周司馬寄到華緘並惠各種書冊欣悉修學好古雅意拳拳尊刊儒先遺籍不吝重賞

弟前彙吾浙

文廟從祀十先生傳卽擬付雕鄉邦文獻幸賴表章俟後進知所宗仰拜賜不獨在弟一人也承詢陸清獻公傳爲羅椒生尙書刊布者所據何本弟已問明知係參用

國史傳間有異同將來刊刻似須遵滿漢名臣傳中原本爲妥本欲泐復道謝縷陳奉商因夏秋間以敝縣宋儒袁正獻公經本邑紳士呈請從祀已由前中丞咨部請奏俟會議

奏准再泐奉復並求於允刊十先生傳益以袁公傳改爲十一先生傳跋語亦須增改適八月

望雲館文稿

五

奏准而弟於九月初二日奉諱旋里卽航海星奔不及函復悚疚難名刻下葬事粗完倚廬戢影尙未出門容俟日後晉省叩謝祇領教益并面罄壹是也

與楊石泉中丞書

夏杪暑熱未卽旋里七月望課提前因留省閱卷至本月初方渡江東回恩恩束裝不再告別明儒學案一部奉祈莞存袁正獻集尙未刻竣刊刻正獻從祀錄書未全敝邑士人已求郡守邑令作序且各綴言其末俟彙齊一併付刊茲將刻就六卷奉呈恭求賜以弁言俾光

斯錄不勝榮幸前商選刻儒先詩古文面承訓示當兼探忠孝節義著作仰見大君子扶世翼教端學術以正人心之至意欽佩莫名頃已謹遵教言博搜約選俟哀集成編寄呈鑒定再有請者敝郡向有月湖書院歲需經費本有存款敷用粵賊之擾存款盡提作軍餉地方肅清書院開考歲需二千餘貫由官紳籌款募捐生息入不敷出每年多動用本錢恐難經久敝郡近科中式人多寒士萬分艱窘士民公請郡守設孝廉堂官紳籌款動用行之不及兩年費用亦將告罄若因而中止亦無以培植人材官紳再四會商竊計本地既無可再捐

各釐捐有關餉需不敢通融惟查洋廣洋藥兩局所收平餘每年約有二千金計足敷書院孝廉堂之用此項本非正款且爲數不多於軍餉不過涓滴而移作課士經費實足恤寒賤而育英才聞已由邊郡守彭局員會詳省局請示伏祈嘉惠士林恩施逾格飭局批准則濱海儒生益勤學業得有陶成皆出自教養之仁感戴實無涯涘矣

與張友山中丞書

弟本月初旬自考竣瓊州渡海而回頃考雷州歲科本年恭遇

